

芝增蓋恢張於蘭苑

靈源無漏紛葩遠 風靜雲藏四炁清

自然定水耀靈芒 洞煥玄黃成真境

焚檢攝妖氛玉符

焚香上請日宮大聖鬱儀帝君月宮大聖結

禱皇君天罡節度奎光帝君願降真炁入法

水

焚香上請五方生炁炁炁道炁自然正真之

炁華池真人靈寶玉符通真攝魔屏穢靈官

九鳳破穢靈官願降真炁入法水

焚香上請天上直符解穢吏地下直符解穢

吏年月日時直符解穢吏本靖諸省府院司

解穢吏願降真炁入法水

次揚枝淪水周旋飛酒

清靜之水日月華開中藏北斗內接三台神

水喫洒禍去福來

次念淨天地呪

旋行至壇前扣齒退

又救水儀

伏以影湛瑤池挹西甕而潤洒光浮銀漢流

東渤以飛溶生成標陰坎之功經緯贊陽乾

之造散為雨露融作江河天寶泉澄耀八圖

而彩映空香枝洒蕩六合以雲翻景景光明

塵塵辟斤三極滅爽黃華飛東井之龍四部

刺姦赤水奮南閩之鳳對金彝而三熟歌玉

倡以重揚

眇奔滄溟周覆載

瀰漫河洛顯圖書

百川泓衍澤群芳

變化甘泉供經挹

飛洒紛葩清宇宙

摧妖滅爽試姦奔

神風靜默若藏雲

上極玄虛俱道境

靈寶領教濟度金書卷之二十

靈寶領教濟度金書卷之二十一

洞微高士開光救苦真人寧全具校

靈寶通玄私教水南先生林靈真編

科儀立成品祈禱開度通用

施貧儀

步虛 洒淨 上香

伏以鑿混沌而分三極人為萬物之靈陶洪

濛而御兩儀性稟五行之秀本莫分於貴賤

初何別於富貧惟資始資生或計宿緣而輪

轉故受形受命每隨業力以循環三千珠履

之豪華綺羅映體九十帶索之困極韋布紫

心皇皇而推食誰怜營營而解衣孰軫是以

真靈曲憫仙聖垂憐六度以布施為先萬行

以喜捨為尚力到行方便可令庶姓以同歡

仁散作陽和當合萬方而共樂今齋主某慶

成釐事有荷恩光敬消資財普施貧乏以有

有而資無有厚德克爾俾生生而遂有生仁

恩廣大仰冀三清上聖列帝高真嘉彼慈悲

特垂鑒映視人猶已既永被於光風獲已周

人膚甄陶於化日敷羅丹果種種玄功稽首

皈依无極大道

吟頌

四民稟氣本皇天 受用周流是業緣  
善積多生須富庶 惡熏宿劫易顛連  
進康惟感誨詩德 挾纊宜懷耿耿思

稽首玄元无上道 南宮計日紀瑤編

伏以祖氣流行昭輕清重濁冲和之位靈光  
洞煥通過去未來見在之闢凡此日之不料  
生皆曩時之乏片善幸逢齋醮來集壇場益  
了了於靈高凝神解悟勿昏昏於宿命着意  
思惟知為主包容慈愛之心成本來虛靈知  
覺之性號物有萬以人為首毋令顛頊於孤  
寒凡施有五以食為先忍使沈寒於飢渴瓊  
科煥耀寶範彌羅既承化育以勤渠宜報生  
成而鬱勃陰功昭著福從讚歎中生善果圓  
成仁豈修持外鏢上德不德知恩報恩自然  
紀字於南曹式符懇願管取刊名於地府永  
保期願稽首皈依无極大道

吟頌

玄黃萬化樞樞機 珍重陰功第一奇

濟之扶危真意薄 賑飢活命實情施

今朝樂施來生福 後世榮華此日基

一飯不忘君子德 東華定祿與天齊

伏以布施作福田法施莫先於財施慳貪歸

鬼道心貪尤重於形貪今齋主其既捐金兼

以賑賙復仗真玄而開悟財法二施等無差

別心形兩貪俱付虛空自宜膺九五之祥符

看樂半千之運香花交散燈燭爭輝碧鬘彌

羅普拯飢寒之輩瓊鐘曉曉頓資溫飽之徒

春滿八荒陽生萬宇不忍一夫之失所母令

庶物之或遺贊清微雨露之恩善心圓滿溥

黃混日星之惠福報昭彰靈寶布施神呪仰

憑清眾同為宣揚

宣呪

精進學仙業 布施第一義 若懷慳貪心

後世必淪墜 展轉三途中 飄流成異類

見人飢渴者 哀憫猶如己 衣食若施與

感恩无不至 賢者識宿命 執心存利濟

作善天報之 生生當富貴 功成超九天

仙真自可冀

向來捨施功德無限良因三寶證明眾真加  
被伏願恩周有載德被無垠士皆歡頌美止  
萬間之廣履民無飢色宛同千頃之良疇上  
報施生勞資動植悉歸正化共贊真乘為如  
上緣

放生儀

步虛 洒淨 上香

伏以一元判天地人物之形道涵萬化庶類  
布動植兆潛之象品列三才稟賦之資雖分  
陰陽之情周具貪生惡死同趨利避害之心  
渴飲飢餐均求飽謀女之念皆根源於元始  
祖氣實肇分於太極真精奈流俗之乖仁徇  
世緣而非義陸張水袖合畢羅以掩群射宿  
驚樓設網罟而併命憫彼微物罹此何幸今  
齋主共崇建寶齋宣揚玉範慶成登事負荷  
恩私輒捐己財普贖生命縱之林野俾自在  
以逍遙放之源泉獲安閑而游泳咸遂有生  
之樂用弘無上之恩仰望三寶慈尊九清上  
聖俯從凡悃曲映愚誠察齋主隆天厚地之  
仁為增陰果遂萬物戾天躍淵之性永戴陽

光薄使寰區同躋仁壽稽首皈依無極大道

吟頌

飛潛高下各流形 總是先天祖氣成

宿劫業因誰結習 今生異類且經行

遭逢網罟究仇積 放贖林泉惠澤深

作善降祥增福報 前程袞袞被恩榮

伏以轉煩惱作菩提仁恩廣大以神奇化臭

腐德厚充周雖胎卵濕化之業報有殊而生

老病死之機緘則一幸脫離於黑網來會合

於清壇既向無生而獲有生已拜齋主誓持

之力當由有念以至無念共起大道希夷之

闢悟多生趨向之非識正情指歸之樂隨緣

展轉趨覺地以安閑任運道遙證福鄉而遊

宴永脫鱗介羽毛之苦獲生清淨安樂之邦

恩不虛捐當効珠環之報德宜漸積須堅金

石之忱稽首皈依無極大道

吟頌

四生流浪久沈淪 業力膠纏本性昏

幸際恩光歸彼岸 宜回覺照脫迷津

惡都落滅免愆罪 善地皈依惠愛仁

厚德無垠知感戴 睿垂福慶萬齡春

伏以集康寧好德之福由積世之精修憫養

動含靈之情本宿生之業對六塵輪轉萬劫

循環有地獄有天堂品類均明於趨向無眾

生無壽者飛潛同受於陶鎔以合道氣旁周

靈光下燭金鐘玉磬琳瑯振響於玄壇寶篆

銀缸蕙祭交輝於紫座上帝溥昭天漏泉之

澤群生膺回骸起死之仁翩翩雲飛山深林

密洋洋川泳海晏河清皆由齋主向善心堅

好生志切植今朝之陰福結後日之良因以

茲放贖之功罪消吐府藉此慈悲之力名注

南宮陶九有於春臺開八荒於壽域靈寶戒

殺神呪仰憑清眾謹為讚揚

宣呪

賢者戒其殺 亦莫懷殺想 眾生雖微微

亦悉樂生長 如何害彼命 而用以自養

自養今一時 累汝自然爽 長淪三途中

辛苦還復往 善惡本良緣 譬如聲與響

何不致此行 慈心以自發 真人携手遊

逍遙觀無量

向來放生功德無限良因伏三尊以證明其

眾真之鑒映伏願仁及草木化洽蟲魚盡守

宙高下之中仁風披拂極天地圓方之外慈

日舒明恣令萬類之靈恩不使一夫之失所

上報生成之德旁教化育之仁凡厥有情悉

歸正道為如上緣

靈寶領教濟度金書卷之二十一

十一